

༄། ཐེག་པ་ཆེན་པོའི་གསུང་བཟུགས་སོ།།

大 乘 布 薩 法



大乘布薩法



從今不殺生
不說虛妄語
不坐高廣床
不作歌舞樂
我亦守此戒
拔出三有海

亦不取他財
因生多過失
復捨非時食
如昔應供尊
願得無上果

不行淫慾事
諸酒斷不飲
不著香鬢飾
永斷殺生等
於苦擾世界

淨戒陀羅尼 三遍或二十一遍

ཨོཾ་ཨོཾ་མོ་ལྷ་སྒྲིལ་སྒྲིལ་རྣམ་པར་གྲོལ་ལྷོ་སྒྲིལ་སྒྲིལ་
རྣམ་པར་གྲོལ་སྒྲིལ་ཨོཾ་ཨོཾ་མོ་ལྷ་སྒྲིལ་སྒྲིལ་

喻・阿摩噶・沙以啦・三拔惹・拔惹拔惹・嘛哈舒達・薩端・
巴達嘛・比布・卡以答布薩・達惹達惹・薩曼達・阿瓦洛嘎以得・吽呬・娑哈。


發願 一遍

堅持淨戒守無失
已得戒後無矜恃

具足清淨諸尸羅
願戒波羅蜜圓滿

大乘布薩法竟

大乘布薩法



謹按此法，係從藏本經中譯出，無論學顯學密，在家出家，必不可少。學密者，最重發菩提心，受菩薩戒，若不發心受戒而欲證無上悉地者，無有是處。此義可從藏密各法儀軌中窺見一斑。梵言是 𑖀𑖄𑖥𑖦「布薩」(參看淨戒陀羅尼第五句)。此有兩義，一出家之法，每半月集眾僧說戒經，使比丘安住於淨戒中，而使善法長養；又在家之法，於六齋日持八戒，能增長善法，皆謂之布薩，又作優補陀婆，譯作斷增長，斷惡長善之義也。又作鉢羅帝提舍耶寐，譯作共對說，於此半月或八戒日向人懺悔所犯之罪也，此名大乘布薩。乃別於小乘之八關齋。其中又多出淨戒陀羅尼，及禮佛合掌等印咒，並大乘皈依發心諸偈，更加完善。

上年春間，吐登利嘛上師，於上海菩提修學會及簡氏南園等地，傳授多次，受法者喜生身心輕安之感應。

今春法駕來汴，景風知此法最殊勝；啓請授予藏本，遙譯流通，即於丁丑十月二十五日，欣逢 宗喀巴大師聖誕吉日，及度母諸尊下降良辰。是日 上師開始掩長期關，天將曙時，傳授此法，受法者六人，歡喜讚歎，得未曾有。復蒙上師開示此法功德，恭錄於次。

上師開示云：「往昔有某國王，命工監修花園池塘，某監工忽見池中伸出一手，上擎一盤，中置鮮果，此果妙色香味，迴出人間。心生歡喜，正欲啖食，私念此果若獻於王，必邀寵眷。遂獻於王，王見此果鮮美，無能譬喻。

大乘布薩法



責日貢一盤，無則治罪。監工某，知無能得，懼罹於禍。歸禱池中，聞池中人語云：『王啖此果，係屬易事，惟有所求，須為轉告，王受我供，須滿我願。我實告汝，於宿世中與王同受八戒，我因犯戒，今墮龍身，彼今貴為國王，亦由守戒福果，我今徧體生瘡，膺受病苦，痛癢難堪。若以昔所受之布薩法，修習懺悔功德，當可脫苦。祈王代求此經，若不允許，必有不利。』監工某遂實告王，王詔求此經，久不能得，宰官六臣，多膺刑戮。有某大臣，奉命尋求，心生憂懼，其弟告曰：『吾輩先世，曾奉一經，久置屋梁之上，七寶函中，頻放光明。』姑以塞責，某大臣據以告王，王乃遣使迎函入宮，鄭重啟視，果然七寶莊嚴，錦匣重裹，內係梵貝，苦不能識。適某山中，有某大德，正修密法，啟請開示，果係戒經。喜報於王，遂以原經獻於龍王，龍王得法，生大歡喜。國王以此經功德殊勝，錄出副本，遂傳於世。上述因緣，大致如是，藏本原經，不在手中，未能詳述」云云。

上所開示，即知此法之殊妙。【遺教經】云：佛涅槃後，以戒為師。宗喀巴大師菩提道次第，於三學中，特重戒學。又云：「發心若不學三戒，當知定不證菩提。」今幸得此法軌，謹贅數言，以誌慶幸。

民國二十六年丁丑十月二十五日
密乘學人孫景風謹識於開封密藏室